

故宮
珍本
纂刊

江西府州縣志

共十一冊
第十一冊



故宮博物院編 海南出版社

故宮珍本叢刊第 119 冊江西府州縣志第 11 冊(共 11 冊)

故宮博物院編

龍南縣志

石城縣志

南康縣志

第二冊(共二冊)

海南出版社

圖書在版編目(CIP)數據

故宮珍本叢刊.第 118~119 冊,地理.都會郡縣.江西,[乾隆]龍南縣志、[乾隆]石城縣志、
[乾隆]南康縣志/故宮博物院編.-影印本.-海口:海南出版社,2001.4

ISBN 7-80645-974-X

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06564 號

故宮珍本叢刊第 119 冊

江西府州縣志第 11 冊(共 11 冊)

[乾隆]龍南縣志 [乾隆]石城縣志 [乾隆]南康縣志

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:25.5 印數:1-400 冊

ISBN 7-80645-974-X/Z·55

定價:2200 元(江西府州縣志 18 種共 11 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

紀事志引

一邑之事不越百里隘矣然自古及今代積而繁也紀者紀其實不紀其誕誇大以爲辭鋪張以爲異庸俗之所駭有識之所鄙邑界聞近廣複嶺遠谷易於藏匪么麼嘯聚斬木以爲兵揭竿以爲旗利在財賄肆其毒害然聞師則抱頭鼠竄師至則駢首受誅我

盛朝

天威震疊不軌之徒未有不血潤斧_燄數事流傳足昭炯戒況乎見危授命臣忠子孝士義婦_逆於此見亦考徵之林也故紀之蹟以人傳壟由人異古有蹟賢有壟固也要其

石城縣志

卷之七 紀事志

所載亦邑之蹟邑之壟耳豈如梓澤坵墟石麟秋草乎一花一木曷足兆祥山傾鐘應詎云異好事之誇也第猶不必滋人心之感其失不亦微_且今古之曠怪怪奇何地蔑有其軼或時見於他籍一邑之傳亦足備稗海郭言之採擇焉若此類悉仍之作紀事志

兵寇

宋建炎四年庚戌虔州賊李敦仁舉兵破城邑人陳皓及子敏力戰斬李世昌生擒李世立復城至紹興二年敦仁等就撫悉授官隸諸軍_{府志}

紹定二年己丑九月土寇張遇龍文勝反於平固連破石城寧瑞興零五縣安撫李壽明通判趙彥覃督兵討_平 _志

元至元二十六年己丑廣賊_通明亮寇贛州掠寧都據秀嶺江西左丞管如德遣使_諭賊即擁十餘騎至石城降_志

石城縣志

卷之七 紀事志

兵寇

二

延祐二年乙卯四月寧都賊蔡五九聚衆兎子寮五王廟張漢高旗幟殺趙同知圍_城燒四關勢甚猖獗奏遣張臚會江浙兵討之五王_廟者寧妖祠也像設極厲怪人莫敢側目土人顛縛生口以祭我軍見之畏縮押錄王榮叔獨奮義火之三火三滅乃取婦衣褻神首一火而燼_{自五王廟者妖祠} _{據府省志增}本邑弓兵朱伏成於木麻坑擒五九伏誅_志

明正統十三年戊辰福建沙縣鄧茂七自稱閩王江西都指揮劉順贛衛指揮馮廣領兵一千來守十一月茂七黨陳椿八率衆數千入篁竹坑境邏者悞報止有賊

四五十人時邑令公出劉順易之遣百人入賊營時夜開賊睡兵不知賊之多兵發火炮賊亦不知兵之少更會天寒出其不意殺賊數十又縛其部總湯社長以歸椿八大怒後三日盡率其衆攻城順復輕之又值城圯遂陷是年賊陳椿八又破城凡城內外民房縱火燒盡民間結茅以棲舊志

正德五年庚午程鄉賊黨葉芳等流劫各縣本邑城中民盡走避山寨城爲一空時新任未到一二識者急招回流亡併集鄉民入城凡城圯處各捐私財修葺選勇備器以守明年辛未一歲中寇且六至其始也民兵鱗

石城縣志

卷之七

紀事志

兵寇

三

集寇飛矢射城城上手接其箭反射殺賊又用標鎗暗揀城下賊有被鎗而死者寇屯五日夜選精銳二百人衝擊賊營城上金鼓助喊賊亂自相殺傷因遁去以後寇至但屯一二日不敢近城舊志

正德七年壬申春正月南贛巡撫都御史周南率兵攻破大帽等山寨盡平之大帽山界江閩廣三省賊首張番壇李四仔鍾聰劉條黃鋪等聚徒數千流劫攻陷建寧寧化石城萬安諸縣舊志

嘉靖三十六年丁巳十一月二十二日閩寇過本邑寇南豐舊志

嘉靖三十九年庚申岑岡賊李文彪焚掠龍南遂合廣東流賊寇掠石城瑞金雩都南康贛縣進及泰和舊志

嘉靖四十年辛酉閩寇自寧化至攻城不克而去本年五月廣賊由汀州至圍城半月拆民居爲天車高與城齊危甚守者銳矢斃其賊魁遂遁一歲兩攻不克者多藉典史雷墊力八月又從汀州經過城下寇廣昌是年流寇亂土人避洪石寨者千計寨險守亦嚴會賊有幻術者能借物類蔽形名爲掉青一日以刀與銀絹總覆以箕置寨土人見而喜拾以登寨賊掉青隨之夜半爲內應遂破民墮崖而死者多於殺一二墮積屍上者

石城縣志

卷之七

紀事志

兵寇

四

嘉靖四十一年壬戌廣賊自廣昌入縣界知有備而去七月又自瑞金至本邑長江往寧化贛兵追敗之舊志

國朝順治二年乙酉九月石馬下吳萬乾倡永佃起田兵本邑舊例每租一石收耗拆一斗名爲桶面萬乾借除桶面名糾集佃戶號田兵凡佃爲之愚弄響應初轄除桶面後正租止納七八強悍霸佃稍有忤其議者徑擄入城中邑大戶土著爲多萬乾恐勢不能勝又要聯客綱頭目鄭長春李誠吾連遠侯結黨惑衆名綱義約王振初名集賢會糾寧都瑞金寧化等處客戶一歲圍城六

次城外及上水鄉村燬幾盡巡檢署俱燬舊志

三年丙戌五月賊首吳萬乾等統賊萬餘自初三日攻

城城上發大將軍銃賊有在騎馬嶺及厨嶺屯者被銃

打死不計其數至初十早退上水及城中著戶逐殺賊

強半舊志

四年丁亥五月方尚賢來署縣事賊首吳萬乾以厚賂

乞見擲不納萬乾即踞石馬寨糾賊作孽方邑侯於本

月初十日請兵捕勦侯天龍領馬步兵數千圍石馬寨

射死萬乾子吳鶴萬乾卸寨走穴藏寧化界內旋為寧

化緝獲殺之暴其尸波害一族子戚家抄身戮族辱垂

石城縣志

卷之七

紀事志

兵寇

五

戒多矣舊志

五年戊子二月賊有偽稱安恪王者入城招番天賊援

亂城居隨領入廣五月南昌叛將金聲桓遣匪黨田廣

業踞城是月廣賊黃昌率眾駐城為殃月餘八月廣賊

黃徽引姪黃士英據通天寨明年流賊張自盛從寧都

屯東龍十一月二十七夜嚴寒雨雪守禦者皆歸卧城

中一二內應縱火北門內大喊賊先伏城外居民因火

燭逼天未見賊而先亂賊乘機轟城署縣郭自修遇害

擁典史吳遵文入東龍營罵賊不屈賊支解之城中百

姓婦女遭殺擄明日通天寨黃士英賊眾繼至城中房

屋焚燬殆盡至七年庚寅二月上憲委武職于廷畫統

兵來勦黃士英逃八月知縣董應譽請撤兵百姓安堵

訂舊志

十一年甲午瑞金劇賊許勝可等盤踞羅漢巖朝發夕

至下水三里蹂躪殆盡知縣郭堯京請於上憲於八月

內發兵勦平舊志

康熙十三年甲寅三藩叛逆石城界閩長汀吳八十等遂

屯藍田作亂又會若干人寧都受耿劄率眾來寇屯長江

時汀逆賈振魯來寇屯南郊塔下逆黨高某屯山川背

賊首吳八十等屯觀嶺騎馬嶺寧化留猪坑積寇黃冬

石城縣志

卷之七

紀事志

兵寇

六

生屯郭北城中遂以六月十五日遭焚掠寇仍屯踞拷

索既乃移向寧都贛總戎劉進寶統兵來勦刻程至與

賊遇賈逆敗走餘寇在石者於二十九晚俱遁七月初

旬劉總戎入城招復以隨師李照磨德明署縣事八月

中閩寇甯早又率眾來轟城至九月重陽寧都協管中

軍天祥提一旅從東龍來勦寇見即奔時值江漲渡河

東走者多淹死管乃從大河上豐山屯半月而歸十一

月內有陳益後者偽稱將軍擁賊數千駐下水署任李

調鄉勇分路勦殺獲益後斬之頭大如斗訂舊志

十五年丙辰二月甯早復率眾來寇佔踞通天砦沿砦

一帶遭寇肆掠署縣李同駐防率兵弁鄉勇進剿若徑
 崎仄巉岩官兵不能搗其巢四月內汀逆蔡某至與甯
 寇合署縣李督民守禦每夜寇期以五鼓轟城縣偵知
 因命譙樓更鼓遲四於五寇至已近黎明我兵乘時勦
 殺積日殲之甚衆寇又堆青乘高窺城我兵燬之寇復
 作大梯橫坐兩逆從小西門來寇將近城壕勇士畢佛
 黃金璉溫赤肩塚口大石壓之梯折賊墜佛等探看俱
 被砲死城上守禦者亦以砲殲賊寇敗隨遁去詩舊志

石城縣志

卷之七

紀事志

兵寇

七

祥異

宋大中祥符八年乙卯李臘石之崖產芝九莖贛州府志
 明正統五年庚申歲大祲詔勸郡縣富民出粟賑荒應詔
 者旌之尚志

正德十一年丙子四月二十六至二十九日連雨大水尚志

嘉靖三十五年丙辰大水西門內水高齊屋城鄉溺死者

不可勝紀次年丁巳復大水志郭

四十三年甲子冬雪深三尺一月不消次年大稔尚志

隆慶四年庚午魚滿江遡流而上漁者不施網罟次年大

豐志郭

石城縣志

卷之七

紀事志

祥異

八

是年虎盛行

萬歷二十六年戊戌九月城中失火延燒過半不熄因取

石城縣牌投火牌燼火滅志郭

二十九年辛丑大疫志郭

崇正十年丁丑元旦日食志郭

十五年壬午大水志郭 是年秋禮上里賴必書家閣潔

雄雞生八卵

國朝

順治七年庚寅洪水決城衝壞隘前數處志郭

八年辛卯五月初三日大水虎盛行志郭

康熙十年辛亥夏間大水衝斷隘上隄路至北關門限深

幾四五尺舊志

三十六年丁丑邑大饑府志

五十二年癸巳五月十二日邑河橫流洶湧去塚口止

一尺浸入城中壞廬舍墻垣漂沒四鄉田畝數十處合

圍大木皆拔起人畜溺死頗多邑令取石城縣牌投水

後稍定舊志

五十三年甲午五月十二日復大水如前舊志

五十六年丁酉郡城三潮井在府縣泉旁井日三潮因

府鳴聲如隱雷數日不息時張真人在郡占為祥瑞是

石城縣志

卷之七 紀事志 祥異

九

年本邑劉寅卿試第一會昌王廷揚武榜復第一舊志

六十年辛丑大旱舊志

雍正五年丁未夏大水決衝北關外隘前路俗誤認自此

遂建木橋赴興隆街舊志

六年戊申大旱舊志

十年壬子十三年乙卯乾隆元年丙辰儒學訓導署前

廳墀有桃一樹每至八月花發如丹砂滿株艷麗九月

半後不謝三歲皆大比之期頗有人文之驗舊志

是年南關城上七姑廟鐘鳴舊志

乾隆二年丁巳邑北關黃承瑞妻李氏一產三男

七年壬戌季春及初夏四十日不雨附郭鄉村艱於播

種穀價早暮疊增邑侯王士徐齋肅祈雨每日牒告城

隍廟免冠晚暴日中燃香三炷盡乃起如是者十日得

雨舊志

八年癸亥二月三十日郡試院歲試寧石二縣文童展

刻暴風吹折考棚壓死邑童生一十七人寧都死二十

餘人總鎮章隆巡道朱陵太守汪宏禧聞災領弁役携

銀鋤掘頹垣撤楹桶以救殘喘得甦者不勝計太守捐

俸贖恤死者給銀四兩傷者二兩親臨奠祭章云咕哩

官祭輟功各兩字竟成旅櫬趙現別父兄妻于而來購

青衫於一日隨雷雨風雲而去含朱淚於九泉况屬揭

石城縣志

卷之七 紀事志 祥異

十

陽名區琴江勝地或效白茅先生之孝或思熊麻父子

之仁非惟文比崇泉學能實踐亦且才同溫革志博群

書扶棟折榦乃歲科之鉅典圖榮致死實文字之奇災

可憐棟折榦崩正改墨濡臺之際詎料蘭摧王碎恰

逢爭雄角勝之時專護其人之命救耶何慰安平骨

肉轉思本府之罪戾也不應遽怒於儒生疑地呼天童

子皆吾赤子傷心慘日文風遭爾暴風江上剪紙招魂

不之哀明之卜氏傷心慘日文風遭爾暴風江上剪紙招魂

以臨履為漸悟時贊懸疣之言而此憾已輕矣之類回倘

未展想鼠肝虫臂之化而餘恨俱消蓋生寄死歸者死

亦仍靈果存順設寧焉沒不為厲咎將合郡應試生童

無不感服隨移院試於府署西偏以竣試事復建文學

祠於院署門右以妥幽魂學憲金公德瑛遣廣文致祭

田螺嶺時死者奠詞愷惻動人祭章云始虹始電當少

正多士觀光之會紫氣傍金精騰上青雲自樓蓋飛來

騰此地靈方忻刮目倏然天變共切驚心白日早暝雷

聞而交震黑風長吼雷轟轟以多稜文場四壁忽崩
試席千行如沸推敲未報乃生無妄之災傾覆莫支實
抱同人之痛隕文星於地絕命橫絕之禍前旅邸招
魂波灑青稈之隊雖爭平蝎角死豈等之鴻毛路競
號咷家傳出問倚問增恨人斷憶子之賜破鏡與悲
誰屋然而孽降自天誰無兄弟斷元名士題有婚姻烏瞻
弱曲江熙寧舉人應舉方來而盧詞部斯文不偶自古
爲然憐才更登書而稽名氏青衿過給聊慰孤靈白酒
齊斟更陳祖奠所願念中誦念憂憂忘憂死者有知尚
記沒寧之學歸兮無
緣須依衲食之班

又給死者衣頂被災姓名附列於左

陳國謀 黃惟夏 黃九舉 熊亮 黃業廣
廖夢龍 賴調元 姜昌朝 楊枚 李時功
陳生寬 黃先畧 陳慶用 李大謨 賴顯嵩
李煥 賴應珣

石城縣志 卷之七 紀事志 祥異 十一

九年甲子正月上水鄭裡坊園地二三處雨米及豆二
月二十八日下水頭中嶺龍岡甌裡三四處雨穀米及
豆俱深赤色豆種土中苗三出長寸許無根
按自乾隆乙丑修志之年閱今三十六載而祥異顧不
一書非闕也生當

聖人之世年穀豐稔人民和樂祥莫大焉雖乾隆辛未甲申甲
午三年皆大水然漂沒僅沿溪節屋溺斃男女不滿十
口衝決田地畝數無多並不成災亦無可異故不書非
獨今也即舊志所載亦多無足異者然則曷爲不刪流
傳既久刪之適啟輕抹之譏存之則有識自辨

古蹟 坵墓附

琴江書院 縣治西北城隍廟右始建自宋後於此廢基
內建府館復別徙

昇仙臺 縣北太極觀後舊傳宋大中祥符間徐王二道
士登仙於此

監書樓 在栢中里地名堂下宋皇祐間邑人溫草建藏
監書以教遠近學者中有講堂義館洗硯池盱江李泰

伯爲之記

揖仙閣 邑東北舊名雙溪閣圯於洪水宋慶元二年丙
辰 府志誤載 縣令黃岌重建以面仙姑嶺改名揖仙

石城縣志 卷之七 紀事志 古蹟 十二

雲川亭 在縣西舊名秀光宋慶元六年庚申知縣事楊
正重脩 府志

宋進士盧炤宅 縣西十里地名盧居垵

宋侍郎張文郁宅 縣西五里地名觀下

太平樓 邑河背大坪頭宋邑人劉肖賢建

放生池 縣西永福寺前宋紹興十三年癸亥詔天下各
置放生池

龍門書院 在西關外騎馬嶺明萬歷二十年壬辰知縣
尹思敬建

唐侯遺愛亭 城西河畔三里內立知縣唐繼顏去思碑

讀書亭 在龍門書院前明萬歷三十五年丁未知縣黃

廷鳳建并記碑以上俱廢

墳墓

南唐

禮部尚書裴愉墓在石上里

張損持曰舊志載寧都蓋其地舊屬寧都後分建石城

遂改屬馬府志

宋

兩淮節度使王邦墓在石中里王

直閣將軍黃綰墓在石中里河

石城縣志 卷之七 紀事志 古蹟

陳恕曾祖墓在長上里迎恩石下依舊志府志又載陳

陳州府志 溫萃墓在石中里

寧都府志 載陳皓墓在仙源坊大坪頭胡

承宣使省志 觀南康侯陳敏墓在陂陽鄉石中里

浮溥源湖志 洪文敏公邁為撰誌銘

進士許褒墓在石中里

進士許國墓在石中里

少師陳孝家墓在石中里

進士國賓巫雙瑞墓在石中里

元

司諫劉肖賢墓在石上里大

寧都州學正熊曼卿墓在石上里

明

潯州推官胡莊墓在石上里

四川按察司副使賴敵墓在石上里

馬湖推官溫卓墓在石上里

銅陵知縣熊懋官墓在石中里

武義知縣陳師仲墓在石上里

惠來知縣劉貢墓在石上里

國朝

石城縣志 卷之七 紀事志 古蹟

解元劉寅墓在石中里

獲鹿知縣溫朝縉墓在石中里

新蔡知縣文儒黃道濤墓在石中里

平羅縣丞儒行熊承統墓在石中里

軼說

宋真宗治平初大水鄉人有於石城西港白石灘獲碑數片其文不全有云太原王氏女金陵韓守妻戊辰年八月葬在石城西又云日為弓兮月為箭射四方生改變千年萬年松栢風悲盡死亡人不見

能改齋漫錄

石城縣尉廳久以兵廢寓治於僧寺之屋分隔大溪溪上有橋尉舍在舊志廢蹟載縣尉在隔河東南寶每出

福塔下尉司場內此云在西誤

入必從橋後橋遭水圯嘗乘小艇往來多窘風濤乃徙於東邊而故為宗子所占仍治隙卜城地為菜圃其處

舊有南安巖主祠舊志廢蹟載祠在縣治界內紹熙中福唐人曾愈

石城縣志

卷之七 紀事志 軼說

十五

為主尉夢巖主訴曰吾之居苦種菜用糞穢之惱使不得安跡君盍仍舊貫向來不過慮風自此不復有矣曾謝曰敢不聽他日又來曰宜以今日去稍遲留定貽幡竿入水之撓雖不至深害亦費詞說曾覺而沉思不曉其所取憲書尚郭二志誤作官書檢視又曰不及言議以豈旦遷

邑人陳元功太尉子孝家者居寺門外携富室潘生置

酒餞別魯西遷未幾市頑有不相樂者許與部民促尚郭二志亦膝驩飲興訟於州擾擾數月乃定始悟幡竿入水

為濬字使當時即日西遷則無矣

夷堅志

邑永福寺對面有邱隴高且十丈相傳為陳恭公祖墓未

嘗有人祭掃是否莫能知宋光宗紹熙四年癸丑道人

鄭瑄為主簿以其處軒敞可遠眺欲平治隴省亭其上

工料已具僧徒交勸不可止因委其事於吏葉愿愿夜

直宿書齋夢驄導陸續傳呼太師且至一金紫人坐肩

輿而來呼愿曰我宅於西岡將二百載爾輩何得侵犯

愿怖汗而寤亟以白瑄遂寢其役

夷堅志永福寺即前尉嶺郭志

邑豐義里小民何百九父子濟惡以屠牛為業嘗坐事編

隸南安遇赦得歸宋光宗紹熙四年春主簿鄭瑄因公

事至其里適見有九解牛有庵皮小片僅三寸割而擲

石城縣志

卷之七 紀事志 軼說

十六

之其子五仔從旁過正著其右目揭之不落即時生合

長黑毛指誤觸則痛楚異常人以為業報云

尚志

宋紹熙中知縣事呂大年冬月賑米見一民左目圈內爰

出一贅下垂過膝用紗帛包束解視之眸子在其表閃

爍可畏此業疾也

夷堅志

楊過後名士奇泰和人洪武中贛守辟攝石城學事夜半

讀書鬼一群借觀學印遇按劍叱之次日開匣印無有

也及避匿武昌印乃復出後受知於解縉為易名保奏

初任吉安府教授歷官至大學士諡文貞

尚志

溫寧字子康石上里人素有文譽永樂間會試

府志作入鄉試誤

首場出錄其文示諸名士無不元之者及次場鬼竊其頭巾不得入比晝頭巾復還巾箱後場中果擬元以不得二三場而黜後見主司握手慰藉舊志 卷八 州府志

烏石嶂其上初無祠宇登者甚少嘉靖二十八年己酉有

一人從巔而下修潔可愛詢之云到西華謁仙來人因

相隨至頂有一香爐在焉香氣襲人衣數日不歇自是

遂近祈禳靈應不數月得金數百鑿路建祠祀三仙銅

像人因呼烏石嶂為西華山舊志 卷八 州府志

石上里豐山許立卓夫婦皆長厚喜施濟逢朔望同往三

峰寺祈嗣極其誠懇寺一老僧戒律甚嚴偶適市見一

石城縣志 卷之七 紀事志 雜說

十七

群雞雖爭啄生虫惟一雞勿啄僧買勿啄者養之歲餘

我冠修尾潔白一雄日遠佛殿不遺一矢夜必飛棲西

廊之梁聞僧誦經則喉間格格相答忽死獻夢於僧曰

我往許立卓家投胎矣師來當拔我左脇之毛他日僧

詣卓卓喜為治齋曰賴佛得兒奈苦啼何僧以夢告卓

取兒示之脇果有白雞毛拔之啼遂止僧命名玉器比

長伶俐精巧其人如玉儵然一偉丈夫也舊志

嘉靖四十年辛酉流寇屯營隔河遙見一人坐雞堞上伸

兩足於城下河中濯之少頃又見一人金甲焜耀向雞

堞上走馬賊相謂曰聞此方土神最顯洵然遂引去尚志

石上里黃坊有黃老人月夜往城遇溪邊一老挽雙髻鬚

髮如雪曰老病忌寒水煩負我黃私度既老病何夜行

必鬼也放膽繫負兩臂不釋疾走鬼始威赫繼又詈罵

久惟哀詞求脫黃百不聽比曉化為白牡羊會祭祀賣

之買者置園中須臾烏有黃料鬼必修怨夜果有叩門

者囑姬荅曰吾家老人又去捉鬼賣矣鬼驚去舊志

萬歷十四年丙戌龍上里富翁黃某禮觀音大士用金鑄

像銀鑄香爐再傳以健訟家落毀爐將及像夜遂飛去

里有山名流古石者據潭頭峭壁千尋中有一竅金觀

音在焉謁者絡繹不絕數年後飛去舊志

石城縣志 卷之七 紀事志 雜說

十八

萬歷三十六年戊申有朱繼忠者為人信實生平見三異

事往閩見滿潭皆魚自潭面至潭底密不容髮取薪投

之堅插上指往瑞金見滿潭皆驚往會昌見滿潭皆蛇

其極多之狀皆如魚舊志

邑學中熊兆正夜歸自楓嶺腦一石拋逐其後屬其奴拾

之以歸剖而得玉屬玉工斲一盃舊志

邑大琴距白土觀五里觀距城四十里觀一老道士與大

琴數秀才同在城時三伏天欲歸俱無傘道士曰但跟

着我行自不必傘須臾雲起一朵遮送四十里分路處

雲直遮道士歸觀覆屋不飛數秀才冒暑曝歸共歎道

士術之神也

龍上里有黃某者夏日運穀浴於潭見小蛇啣一珠奪而吞之遂謂其侶曰急報我母妻來見肩以下皆成鱗甲唯頭面未變淚而不言須臾滿江浪起風雨大作竟不知所向

董志

萬歷年間栢中里福村曠塚有野馬一匹猱猱馳驟莫可控馭大將劉璉過其地獲之洗於河毛閒文理鱗甲燦然後遂名其塚為養馬塚

俗訛羊塚毛塚河為洗馬潭

國朝康熙十六年丁巳閩汀僞將劉應麟攻城每鄉勇鏖戰隱見一將於煙霧中揮戈督陣遺巨靴跡於堰上衆目

石城縣志

卷之七 紀事志

藝文

十九

爭觀

郭志

是年流寇攻城有饒署縣李德明生羊者將宰款客報賊至遂止獻闕聖廟祝曰賊退以此祀神後鄉勇每出戰羊為前鋒五戰五捷奪炮奪旗刈賊無算寇退署縣不忍殺羊以猪享廟後禮懺準提庵一月為民祈福羊隨班遶佛座懺畢羊死焚而瘞之西關外厨嶺路側碑曰神羊之墓

舊志

藝文志引

意授於思言授於意文詞之言其精者也駿發之士敏在慮前中有所得沛如湧如掬觚而不能自己要之淹通爾雅辭足達意理勝於言不其難歟志曷為以藝文垂也非文之垂其地其事其人之於此傳也夫山川之名勝經制之流傳人物之懿美文以紀之詩以咏之雖不足登大雅之堂亦足備同文之徵不有所採其曷以傳由斯意也舊者仍之新者亦間有所增顧或繁無虧有向聲背實情彌竭而旨晦意乃率而多尤則亦兢兢致悞云作藝文志

石城縣志

卷之八 藝文志

一

琴江造士錄序

能懋官 邑人

昔蔡洪赴洛洛中以吳楚士少之洪云夜光之珠不必產於孟津之河盈握之璧不必採於崑崙之山英賢所出何必常處當時偉其說我石城舊不乏士緣科第間出耳食者遂么麼視之試士輒不入首選即入選亦不梓其文以傳所謂無因而至前類按劍而盼珠玉有以也彼不知承平日久雖三家之市列千金之貝於肆屬今文教覃敷薄海同軌即荒遠之墟亦侈譚左國而評還固况石城固晉公桑梓之鄉文貞型鑄之地總角聖子舞袂哦經樵叟田夫且弛擔說稗况賢中弟子員素弄穎而搞詞翰胡不能石城縣志

卷之八 藝文志 序

土

文第俗多不察自好之士操管而語務成一宋書不盜人含珠不剽人剩唾抱璞無媒世鮮知者今邑侯龍門尹先生北海名材也銳意造士日羅諸子於齋舍講貫而劇切之以軒輊其藝業復閱其文之優者錄諸梓嘗謂澤雉非瑞腹錦稱奇井蛙乃微夏鳴如吹况士有一得可令之無傳耶錄成余乃進多士賀之曰良驥伏櫪尾湛弗售孫陽一顧買者輸十倍以償茲文一出即未許犄角文雄並駕伊吾之北惟海內倘有知者當不以揭竿守鮒後我士而直伯仲之人文尚有興哉噫元水之北有遺珠焉軒轅嘗索之矣余於茲刻亦云

賀唐邑侯臬憲檄漢序

能懋官 邑人

昔禹疆理九州詳土之黑白墳暨山川之便利以貢厥後井田殊而性習日隔荆楊之化不施之雍豫長民所務白也故周封康叔於殷墟啟以商政疆以周索封唐叔於夏墟啟以夏政疆以戎索茲二叔之治與周魯同夫治貴因任自古記之藉令適人情盤方俗以語治即卓異非循吏矣我石城之土幽秀含雲清流漾翠風氣邃而孕之爲人亦多渾樸未琢有質直而無流心古稱可卧治我石當之胡宰是邑者往往開拔奇之津而不沿於俗其妄穿垣墉植蓬蒿者無論也間一上任才吏類多簡髮而櫛數米而炊等淳樸於澆囂而刻核太至徒鑿混沌之竅忍傷敗之彼攘臂譁張暇與之談理道哉惟我侯卓翁唐老先生粵西偉君子也貌粹而氣溫度濶而才斂自視篆及今言必詢俗動必因民淡泊寧靜懸刑戒鍰不察人而聞其捷徑畫甫半載民稱大便負者償爭者讓跳梁不檢者率安以肅若王子子期之馬不用鞭策而自調也若魚媚唐河之餌如沉埃聚沫勿之疑也若飛走柔馴於梁鷺而飲啄於其庭不駭且搏也蓋本清苦長厚之衷而出之以因任故慮經而民便環封以內行嗣畏壘穰而祝庚桑又胡不安而利之旁史春暉秦老先生按歷西江廉而異焉獎檄馳

石城縣志

卷之八 藝文志 序

土

至厥考上上不和者顧疑而問曰聞虞廷九載考績魯亦三年報政故聖賢類得民難也唐侯席尚未暖治何容易而秦君輒最之予荅曰茲乃所以見我侯夫伯禽變俗草禮積三載而公不稱善尚父弟簡禮從俗繫不五月而齊報治矣侯之簡易倘亦有姬姜之意歟彼語枯棹於漢陰之圃則見以爲機談置罟於狎鷗之岸則見以爲詭操萬金入三家之市則觀者且愴愴而逸此可以策我侯之政矣是舉也關吏署邑幕陳君績索余言以賀予曰庇宇下分不容辭且喜桑梓得循吏而公道在監司也於是乎書

石城縣志

卷之八 藝文志 序

田

邑陳學博陸淮府教授序

熊懋宜 邑人

石城縣志

卷之八 藝文志 序

五

予憚極群書粵稽往牒載古今人才至用舍垂方真才幽滯未嘗不掩卷拊髀代昔人增一慨也彼賈董之才爲漢儒冠讀治安天人諸策皆喑喑爭鳴可刊金石倘竟其設施則漢之爲漢未可量也顧一以長沙行一以江都行二賢卒老於藩邸而漢治卑卑迄哀平靈獻之世無振焉可鏡已我國家師古建官首重閣部次重省臬郡邑至藩府群工率以左遷者處之如宋提點宮觀等例亦牢絳英賢一第舍也今石庠訓陳崑山君胡躬蹈之君貌肅氣溫一見決其爲君子及稔厥行誼則解經不窮戴侍中法也學行可師賀德基風也章程有度課試有方又胡安定之遺也跡其雅飭處類諸生著龜後來棉蕞藉令廉師表者無爲耳目贅則此君必太學選少則一邑長無多矣無何以教授饒邸之檄聞余乃喟然嘆曰世態常落落不偶若燕石待沽荆璞不賞類如此悼惜者久之隨往慰之曰子聞官擇人未聞人擇官士君子能隨處立功名即一抱關擊柝吏類可自淬勵以當任使況進此者乎漢昌邑不馴時左右競猥承以偶其好惟龔遂正諫不阿爲王所敬憚卒免廷臣議隨見柄用此前事之師也君行有教導之責爲祿貴乎自策而已如欲聞其術則蘧伯玉有云形莫若就

心莫若和就不欲入和不欲出昔顏闔得此以程其能竟以宮師著稱於衛亦法之可沿者君不欲之乎且予聞庶人贈人以財君子贈人以言予假於君子贈君以言君詎聽之否語云工修其業官宿其方行矣勉之先生起拜手謝曰敢不謹戢良規以箴朝夕遂書之以偉其行

石城縣志

卷之八 藝文志 序

木

署邑李侯德政詩序

賴 彞 邑人

琴之民罹兵燹因舊肯奔走而號呼非一日矣旦夕禱祠思得父母我者而噢咻之望賢牧如慈父母焉夫風詩載十五國備矣其中美刺不一而始於甘棠美召伯也終於九戩美周公也始則思慕之思慕之不足則嗟歎之嗟歎之不足則歌詠之其來也莫不舉手加額致交相慶幸之詞其去也莫不歎歎扼腕不知涕泗之何從慈父母之入人深也如此非甚盛德孰能致之邑侯李公甲寅之來攝邑篆也招徠了遺十不一二荆棘蕪穢瓦礫蕭條陰霾晝起青燐夜泣公撫然曰嘻瘡痍何日而有起色乎乃越數

石城縣志

卷之八 藝文志 序

七

月逆寇復蜂擁而來也公當此際處得其道制得其宜投以艱鉅日夕勞瘁而不辭試以煩劇飲食未遑而不倦爲分粒給糜以賑民饑爲築堤堰濠以濟民渴爲捐貲置械以資軍實爲身先士卒鼓勵鄉勇以壯敵愾爲設奇制勝以潰賊圍賊衆披靡膽寒不啻如八公之草木風鶴皆兵賊退之後崇學校隆祀典紆徵徭平讞獄利者與害者除即縷縷萬言難罄公之績也懸知其練軍實也書在司馬急徵輸也紀在司農奏爰書也載在司寇興水利也策在司空冢宰上之天子褒之勒勳銘於旂常雖然未必其書之紀之載之策之褒之銘之者之慚人願否也而士之子

咏於庠農之子咏於野商賈之子咏於塗載歌載舞千萬人如出一口慶公之意固不以三公爲榮萬鍾爲富而以口碑之在百姓者千秋不朽也合邑慶公三年之政成而又惜公之歸郡速也公行矣工乎詩者歌以繫之以擬十五國風之末殆如始於甘棠終於九戩云

石城縣志

卷之八 藝文志 序

个

桂軒制藝序

舉人溫朝選著

鴻臚李宜青序

向余與同年魯存同官部曹每酒闌燈地劇論時下士魯存數亟稱其從姪桂軒爲人家貧而孝養篤學而力行其有所得發之爲文卓然可傳於後戊午舉於鄉公車詣京師魯存介之見余執其文一帙以質披覽之餘始信魯存之言非謬也顧教試於禮部卒不一遇汶汶於羣比者遂數十年甲戌落第別余南旋有倦容余贈一律云春鶯無語杏花殘卮酒蕭條午夢寒煙暝夕陽荒驛遠月低高樹曉峰攢囊琴價重何須碎荆壁珍藏仔細看衆裏莫嫌身是我敝驢歸去舊詩壇慰之蓋勉之也歲辛卯得宰邑粵石城縣志

卷之八 藝文志 序

九

東會同未幾以病謝去時余亦乞休里居桂軒集其所作制藝遣使持詣余請訂余喜桂軒文素矣今其所集尤卓卓犖犖理精而法密議論純粹一如其人韓子云言爲心聲魯存所謂可傳於後者不洵然歟顧雲山飄渺室隔百里不能飛觥共賞而佳文茂質倏與目接恍遇其人益增惆悵耳爰序而歸之